

KOERSVAS

Jaargang 6 Uitgawe 121 6 Oktober 2017

In hierdie uitgawe:

Redaksioneel

Berigte en Kennisgewings



REDAKSIONEEL

Die olifant in die vertrek.

Ons ken almal die metaforiese verwysing na die olifant in die vertrek. Dit word gebruik om mense se optrede rondom 'n ongemaklike werklikheid te beskryf. So gebeur dit dat daar oor al die kinders gepraat word, behalwe oor die een wat die ouers kwaad of hartseer maak soos die boetie in die tronk of die swanger tiener in die huis. Daar is 'n pragtige kinderverhaal wat deur Jordan Peterson¹ gebruik word om die menslike hantering van ongemak en die gevolge van hierdie volstruispolitiek te beskryf.

Die verhaal "daar is nie iets soos 'n draak nie", is geskryf vir baie jong kinders. Die verhaal in kort: *Billy Dicksby word een oggend wakker en is verras om te sien dat daar 'n draak in sy kamer is. Die draak is so groot soos 'n klein hasie. Die draak waai sy stert wanneer Billy sy kop streel. Die seuntjie hardloop na die kombuis om vir sy ma te vertel dat daar 'n draak in die huis is. Sy ma se reaksie is om baie beslis te stel dat daar nie iets bestaan soos 'n draak nie. Billy gaan trek aan, die drakie soek toenadering maar Billy ignoreer die draak; dit maak nie sin om iets aandag te gee indien dit nie bestaan nie.*

Billy gaan eet ontbyt, maar die drakie gaan sit op die tafel en eet sy kos so vinnig as wat die ma die kos inskep. Niemand sê iets oor die draak wat op die tafel sit nie, want die draak bestaan mos nie. Telkens wanneer die draak ignoreer word, groei hy. Hy word al hoe groter en Billy en sy ma moet met groot moeite in die huis rondbeweeg, soveel so dat hulle by vensters in en uit moet klim om van vertrek tot vertrek te beweeg. Die draak word so groot dat sy kop by die voordeur uitsteek en sy stert by die agterdeur. Ma en Billy bly die draak ignoreer. Dan raak die draak honger en hardloop agter die brood afleweringswa aan. Meneer Dicksby is verbaas om vir middagete by die huis te kom, net om te sien dat die huis nie meer daar is nie. Hy soek ver en vind uiteindelik die huis. Hy klim teen die draak se nek tot by die tweede verdieping op en deur die venster. Hy sluit by sy vrou en kind aan en vra na wat gebeur het. Billy se antwoord is dat dit die draak se skuld is. Die ma wil nog weer sê dat daar nie iets bestaan soos drake nie, maar Billy dring daarop aan dat daar 'n draak is. Hy streel die draak se kop. Die draak krimp vinniger as wat hy gegroei het en word weer so klein soos 'n katjie. Mevrouw Dicksby stel dan dat sy nie omgee om so 'n klein drakie in die huis te hê nie.

¹ www.youtube.com/watch?v=-QtOWpV8d_0

Die olifant en die draak is een en dieselfde ongemak. Ons hanteer dit asof dit nie bestaan nie, dring daarop aan dat dit nie bestaan nie. Wanneer iets gebeur as gevolg van hierdie ongemak, kan ons dit nie aanspreek nie omdat ons nie die probleem erken nie. Om die gevolge aan te spreek, moet ons die probleem se bestaan erken en dan hanteer. Ons probleme, en meer spesifiek die invloed van ons probleme op ons lewens en menswees, het 'n geneigdheid om ongekennd vinnig te groei. Dit maak ons lewens moeilik en kan selfs ons vordering belemmer. Daar is huisgesinne waar die olifant so groot geword het dat die huismense in hulle diepste gemoed totaal verlam is. Net so gebeur dit dat 'n man of vrou eendag by die huis kom net om te vind dat dit nie meer 'n tuiste is nie omdat die ander party skielik die huis verlaat het. Om eerlik te wees, eintlik is die wegloop nie so skielik nie, daar was sekerlik 'n lang aanloop wat ignoreer is.

Hierdie kinderverhaal illustreer op 'n eenvoudige wyse diep lewenswaarhede. Die mens se instinkmatige optrede om probleme te ignoreer, is 'n fout. Ons moet ons drake in die oë kyk, oor hulle begin praat. Die oomblik wat ons hulle bestaan erken, is die oomblik wat ons hulle begin hanteer en selfs kan beheer. Ontkenning skep die geleentheid vir probleme om ongetemd te groei. Om erkenning en aandag aan die probleem te gee, beteken nie dat ons onmiddellik alle probleme kan vernietig nie. Daar is nog 'n pad wat bewandel moet word. Erkenning van probleme maak die las wat ons moet dra tydens die reis net meer draaglik. Die waagmoed wat gepaard gaan met die erkenning van die probleem of verleentheid eis baie energie, maar is nie 'n fraksie so

swaar soos die verlamming van 'n olifant op jou skouers nie.

BERIGTE EN KENNISGEWINGS

BEROEPENUUS

Ds Faan Visser van Stilfontein is beroep na Oostelike Pietersburg. Ons gebede is met hom en sy naasbestaandes tydens die oorweging van die beroep.

OORNAG FASILITEITE

Villa Stoney B+B

Oornag in die rustigheid van die Bosveld !
Slegs 5km van die Zambezi Tolhek
- naby hospitaal en besighede-
Langtermyn akkommodasie ook beskikbaar
in gemeubileerde kamers
Etes en wasgoed op afspraak
Ontbyt of kospakkies is altyd ingesluit by
Villa Stoney
Kontak Ina Steenkamp vir navrae en besprekings 0829082831 auri@mweb.co.za.

REFORMASIE 500

Tydens die afgelope Bondsvergadering, was melding gemaak dat Bondgemeentes in samewerking met ander kerke, hul kerkklokke sal lui op 31 Oktober 2017 om 07:00. Dit sal wyd en syd geskied en kerkklokke sal wêreldwyd beier.

Pretoria FM sal op 31 Oktober bydra tot die viering van die Reformasie se 500-jarige bestaan. Op die datum sal tydens die oggend oordenking 7-voor-7 om 06:59 die klok gelui vanaf die Gereformeerde Kerk Pretoria op die sender netwerk uitgesaai word. Kerke en gemeentes van Kaapstad tot Upington, van Pretoria tot Perth word genooi om daaraan deel te neem. Laat die klokke beier!

REFORMASIE 500 - BOEKMERK

Die GHG het ook besluit om 'n ekstra boekmerk te laat druk om die geleentheid te herdenk. Die boekmerkie is in die proses om na gemeentes versend te word.

LEWENSBROOD 2018

Lewensbrood 2018

Liewe lidmate en gemeentes

Dit is al weer tyd om u bestellings vir LEWENSBROOD 2018 - 2019 te plaas. Hierdie boek het 'n gewilde Kersgeskenk geword en ons beplanning is van so 'n aard dat ons die produk vroeg Desember wil afstuur. Enkele sake moet onder u aandag gebring word:

- Dit gaan R 100 per eksemplaar kos.
- **Bestellings moet voor of op 16 Oktober 2017 geplaas word by Ella**
ella@geloofsbond.org.za of
ella@teamworkprinters.com
- Bestel genoeg eksemplare. Ons kry jaarliks versoeke vir nog eksemplare. Die koste verbonde aan die herdruk van die boek is meer as dubbel (ongeveer R280-R320)
- U moet verkieslik by bestelling reeds betaal vir u eksemplare.
- Ons gaan geen LEWENSBROOD aanstuur sonder bewys van betaling nie.
- U word vriendelik versoek om u **betalings te maak aan die GHG.**

Bankbesonderhede

Rekening naam: Geloofsbond van Hervormde Gemeentes

Bank: Eerste Nasionale Bank van Suid Afrika (FNB)

Rekeningnommer: 6243 092 3088

Tak: Pretoria-Noord

Takkode: 250 655

- Dui duidelik aan dat die betaling vir Lewensbrood is verwysing LB2018. Die klein winsie wat ons maak, is net genoeg om die fooie verbonde aan die Internet (webwerf en Bakkiesblad) te dek.

- Bewys van u betaling moet aan Ella gestuur word vir kontrole-doeleindes.

ella@geloofsbond.org.za of

ella@teamworkprinters.com

Ons sien uit daarna om weer 'n kwaliteit produk aan ons getroue lesers te stuur.

Dr Johan Otto

Voorsitter Media komitee.

GELOOFSBONDPREKE

Maak seker u bly op hoogte van die nuutste preke en gesprekke. Daar is elke Sondag nuwe Geloofsbondpreke op ons webwerf op die internet beskikbaar. Gaan na <http://www.geloofsbond.org.za/> Daar is ook preke op **whatsapp** beskikbaar. Dit sluit in ds Hardie se preek tydens die GHG opening. Kontak Ella Joubert by 082 564 1915 en sy sal u onmiddellik by die **preek-whatsapp groep** voeg.

GELOOFSBONDKWILT 3 (2018)

Lootjie vorms is beskikbaar

Kontak Ansie Steyn van Oostelike Pietersburg by 083 630 1107.

DRUKWERK

Paul en Ella help graag met:

- Kalender
- Kwitansieboeke
- Offergawe boeke
- Dames Kwitansieboeke
- Konsistorie boeke
- Reklame plakkate en ander drukwerk

ella@teamworkprinters.com

Lewensbrood

Prys: R100-00

Keerdatum: 16 Oktober 2017

Bestellings asook betalings
vir die Lewensbrood
moet by die kantoor
gemaak word.